

30 JUL 1999

AGONG HANTAR PERUTUSAN KE VANUATU

KUALA LUMPUR, 30 Julai (Bernama) -- Yang di-Pertuan Agong Sultan Salahuddin Abdul Aziz Shah dan Raja Permaisuri Agong Tuanku Siti Aishah menghantar perutusan tahniah kepada Presiden Vanuatu John Bani sempena hari kemerdekaan negara itu, hari ini.

Dalam kenyataan yang dikeluarkan oleh Wisma Putra di sini, hari ini, baginda berdua berharap presiden itu akan terus berada dalam keadaan sihat dan hubungan kedua-dua negara akan terus ditingkatkan di masa depan.

Dalam perutusan lebih kurang sama kepada rakan sejawatannya Donald Kalpokas Masikevanua, Perdana Menteri Datuk Seri Dr Mahathir Mohamad berkata, Vanuatu akan terus menikmati keamanan, pembangunan dan kemakmuran di masa depan.

"Saya yakin hubungan mesra antara Malaysia dan Vanuatu akan terus berkembang di masa-masa akan datang," katanya.

Menteri Luar Datuk Seri Syed Hamid Albar juga menghantar perutusan tahniah kepada rakan sejawatannya Clement Leo.

-- BERNAMA

NM PR